

Posterior Decanatus


M. Joannis Baptistae Thoma.

Mathireng,

a Die 8.^a 9.^{bris} 1748.

ad Diem 7.^{am} 9.^{bris} 1750.





89
DEO OPTIMO MAX.

UNI ET TRINO,

VIRGINI DEI-PARÆ, ET S. LUÆ,
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS
*manè discutienda in Scholis Medicorum, die Jovis decimâ-quartâ
Novembris, Anno Domini M. DCC. XLVIII.*

M. STEPHANO-LUDOVICO GEOFFROY
Doctore Medico, Præside,

An Air præcipuum Digestionis instrumentum?

I.

ORBI universo circumfusus aër, ipsius penitissimis visceribus intimè permiscetur. Illius beneficio spiramus; in ipso vivimus, movemur & sumus. Homini aëre carenti incassum omnia abundè suppeterent. Eo terrestria animalia, amphibia, pisces ipsi, aut in ovo, aut extra ovum impunè non privarentur. Nihil est in universâ rerum naturâ, quod aëris beneficium aliquâ ex parte non sentiat. Huic debentur sonorum dulce melos, verba, vox, amabile societatis vinculum, quo oportunè utimur, & homines aliis nati hominibus inter se consociantur. Undique nos ambiens variè partes afficit, perspirationemque insensibilem potest immutare. Nec minùs in internas agit partes; humoribus permixtus varias quas ipse patitur mutationes ipsis imprimit; & pro qualitatibus diversis, diversos edit effectus. Varia constituit temperamenta; sanguini fluiditatem impertitur; illius motum juvat & accelerat. Idem elaterium partibus, fibrisque tonum suscitât: generationi hominis plurimùm inservit; crescentis nutritioni favet. Scilicet quæ quotidie deteritur machina, brevi deficeret, nisi alimentis nutriendo corpori destinatis continuò reficeretur. Hæc viscerum viribus subacta, in nostram convertuntur substantiam, deperditasque & avolantes continuò fluidorum solidorumque particulas valent reparare. At opus tam mirabile quis perficiet? Quis succi nutritii in illis contenti solvet repagula? Quis canales succo alibili turgidos perrumpens, succum gelatinosum & carnis piscium aliorumvè animalium extrahet, forasque eliminabit? Quis demum, quicumque sint, ita poterit elaborare cibos, ipsisque conciliare fluiditatem, ut tot ac tantæ resarciantur deperditiones? Quidquid cellulas poterit dividere, succum densum, concretum, inspissatum rarefacere, red-dere fluidum, illud erit præcipuum digestionis instrumentum.



MAGNUM opus, alimentorum dissolutio, succorum evolutio, chylosis. Quid mirum si digestioni perficiendæ, tantus requiratur apparatus! Communio ciborum, separatio partis utilis à crassâ inutîli & rejectæneâ; rejiciendum parenchyma; servandum extractum; sola pars extractiva nutritrix. Non sunt in alimentis, alendo corpori partes omnes æqualiter idoneæ. Non carnes, non tendones, non membranæ, non vasa, &c. hominum nutritioni & accretioni inserviunt, sed ii tantummodò quibus turgent succi. Inde alimenta quædam mole niagna, pauci succi nutritii; parvæ molis alia, maximè nutritia. Multiplicis enim generis sunt cibi, quibus vescimur. Multa ex animalium genere, plurima ex vegetabilium familiâ; alia solida, alia fluida; quædam qualia suppeditat natura usurpantur; cætera parantur arte. Fluida serè nullam in ore præviam requirunt præparationem, priusquàm ad ventriculum detrudantur: lacteorum vasorum oscula partium suarum tenuitate facîle subeunt. Secùs solida, quæ nisi fluiditatem sibi à naturâ negatam digestionis ope fuerint adepta, corpus nedum nutrant, ne circulationis quidem vias ingrediuntur. Ulterior requiritur elaboratio, ut exiles vasorum subeant tubulos. Nec sufficit ut alimenta solvantur ac diluantur; ni spiritus molem intus agitet, in moleculas dividat, & succi è cellulis illo turgentibus faveat exclusioni; uno verbo ni perficiatur partium evolutio, unde chylus expectandus. Quod autem eliciendo illi succo, propellendo foras, ulteriùsque elaborando magis aptum & idoneum erit, illud imprimis habeas inter præcipua digestionis instrumenta.

I I I.

AER corpus est pellucidum, fluidum, grave, elaterio donatum. Talibus pollens qualitatibus, nil mirum si digestioni multùm faveat. Aliquantò comprimitur, sed simulac destruantur, quibus incarceration repagula, illis cò resilit; immutatus nullatenùs, ocyssimè ad proprium sibi genium revertitur. Gravitate aërem probant aqua in anthlias ad 32 pedum altitudinem ascendens, hydrargiri supra 28 pollices suspensio, & sexcenta machinæ pneumaticæ experimenta. Hinc omnia naturæ corpora premit. Premere quidem ab omni latere fatentur omnes. At quis insciabitur illum se insinuare etiam intrà corporum interstitia, & subtilitate suâ, omnia tum fluida, tum solida penetrare? Eorum poris ac sinibus delitescit, nec tamen concrevit ullibi. Magnâ quantitate in omnibus tam vegetantium quàm animantium corporibus reperiri, physicis demonstratur experimentis. Cum illis videtur adaugeri, calore expanditur, &, dum crescunt corpora, eadem quâ ingressus est viâ, novum sequacem ducit. Nec ibi torpet iners: renituntur succi, illis se se applicat; intimè miscetur; eos virtute exercet elasticâ; seque nascitur motus humorum progressivus. Radicibus enim imbibitus salibusque turgens, in strictiones trunci canales ascendit, nutritioque succo intimè permixtus, truncò, foliis, fructibus, partibusque univèrsis pabulum dispertitur. Indè redux, novoque aëre, novis ditescens succis, per corticem iterum devehitur ad radices. Interea quanta fibrarum in succos aëre turgentes actio! Oscillare fibras vel lenissimo zephiri halitu, aëre humido elongari, decurtari sicco, austro emolliri, boreali siccare, indurari; &c. quis dubitat? Tantæ energię est in vegetantia quæcunque noctis ac diæ, æstatis ac brumæ vicissitudo. Animantium verò partes aëri ne impervię, aut orbatæ aëre? Absit credideris, in corpore

viventī nullum non penetrat punctum. Nullus humor, nulla pars solida, quæ aër non turgeat. Sanguis disco machinæ Boilianæ impositus, mirè ebullit, spumâ tegitur indefinenter; idem de salivâ aliisque corporis humoribus. Illius aëris è corporibus extracti quantitatem, corporum voluminibus ferè æqualem esse, & multum superare, non mirabitur, cui nota Hales (a) iterata super hâc re experimenta. Tractatis pluribus materiis tam vegetabilibus quàm animalibus, solidis & fluidis, paruit, unum pollicem cubicum sanguinis suilli, dum ad siccitatem destillaretur, 33 pollices cubicos aëris produxisse; semipollicem cubicum cornu damæ reddidisse 117 pollices cubicos aëris, quod volumen 234 majus volumine materiæ constituit. Hæc dum crescebant corpora, in illis latuit interior aër inclusus, compactus, compressus, & in angustum diutina oscillatione coactus. Quid non, si laxentur habenæ, eundem evolvens quibus intermedius est, succis nutritiis, profuturum existimas? At quomodò hosce omnes in alimentorum digestionem exerit effectus, enucleare, hoc opus, hic labor.

(a) Stat.
des veget.
chap. 6.

IV.

CHYLI natalicia inquiris? ubique paratur. Oris in limine, dentes robore & figurâ diversi, alimenta secant, contundunt, molunt. Cellulas ciborum crassiores disrumpunt. Expeditur jam aër è carceribus suis: brevi fugeret, ni motu linguæ & maxillarum, salivæ rivulis undequaque salientibus, irretiretur. Interea dum tunduntur, vix credas quanta portio aëris, qui præceps per os ruit, in singulis hiatibus, salivæ glutine, relinquatur impedita! Quanta copia intra particulas alimentorum, & numerosissima quæ relinquunt inter se spatiosa sese insinuat, digestioni, egregiè famulatura! Sic attriti deglutiuntur cibi, & in ventriculum detruduntur. Agit autem aër duplici modo, aut comprimendo, aut sese expandendo. Utramque in ventriculo exercet actionem. Aër externus, hoc est, contentus intrâ totam ventriculi cavitatem premit alimenta, ac proinde aërem intrâ cibos licet valde comminutos delitescentem. Hâc compressione augentur, promoventur interni-aëris vires expansivæ. Præterea aër externus rarefit, & eò magis quò ardentior est calor. Aër in alimentis contentus eâdem ratione dilatur quâ aër externus, cum caloris sit idem in totâ ventriculi cavitare gradus. Sed cum singulæ aëris molecule in alimentis retentæ, magis premanantur, elaterium augetur; aër ille multò magis rarefcit quàm succi; calore partium adjacentium expanditur; arctiores disrumpit poros; quâ datâ portâ ruit; cellularum latera quaquaversum diffcit: sicque tota sensim alimentorum massa dissolvitur. Succis alibilibus quos continent alimenta, via panditur, & cum digestivis liquoribus connubium ineunt. Quantum valeat aër in loco clauso, calido, & humido compressus, probat machina Papiniana, in quâ tam citò emollescunt ossa & in gelatinam convertuntur. Sic extracti succi, & humore salivali, potque sufficienti diluti, ex amplo, & capaci stomachi spatio, pedetentim per angustiam pylori in rubum intestinorum, unâ cum magnâ aëris quantitate, detruduntur. Hic chymus in chylum mutatur: miscetur materia succo intestinali; bili & lymphæ pancreaticæ occurrit; utrique non minor inest vis elastica, & liquandi potestas. Si vis scire quanta ipsis insit aëris quantitas, vide Schuyllii experimentum (b). Nec minùs proderit aër, ut chylus ad ostia vasorum lacteorum superanda requisitam tenuitatem possit acquirere.

(b) Berger:
de Nat. humi
pag. 138.

Ad digestionem, (ait (c) Bergerus) permultum aër confert, qui non oris tantum cavum subit, sed etiam una cum alimentis ventriculum ingreditur, ac vi sua elastica poros ciborum ac intervalla divellit; eorumque particulas liquat, adjuvat praesertim calore blando sanguinis & viscerum... &c. Sunt qui fermentatione solâ digestionis magnum opus perfici contendunt: at quamvis ab illorum opinione nostra multum discrepet sententia, tamen quid fieret illorum fermentatio absque praviâ aëris evolutione? Nec desunt qui tantas ventriculo tribuunt vires, ut ipsius actione & reactione teri ac subigi contendant alimenta. Verum nundum satis liquet de tanto hujusce visceris robore. Communis quidem ventriculo, & intestinis motus vermicularis. Favet ille aëris erumpentis & parenchymate alimentorum exclusioni, miscelâ exquisitiori succorum cujusvis generis in ventriculo & intestinis: chymi in intestina tenuia, chyli in vasa lactea, & faecum in intestina crassiora ulteriorem adjuvat progressionem; bene sit. Invalidus semper erit ad dissolutionem partium integrantium alimentorum perficiendam, nec leni suâ versatione separabit unquam extractum sive animalium, sive frugum, unde ducit originem succus noster nutritius. Frustrâ in exemplum molam, alterum avium ventriculum, asserrent. Frustrâ objicerent lapillos quos vorant ad tundenda quibus vescuntur cerealia: avibus dentium vices mola lapillique suppleant; nec tanto donantur ventriculi parietes robore, ut duriora contundere queant ossa. Calore, melius arguet quispian, res ferè tota peragitur, cum sine illo nullus in officinâ nutritionis, evolvat aër. Nec calorem distitemur esse primum movens: verum de instrumento digestionis præcipuo & immediato agimus, aëre scilicet, quod à calore quidem, principium sui motûs obtinet, ab humiditate loci facilitatem se evolvendi, & ab ejusdem occlusionis brevitate operis, assequitur. Sed calor solus idem non produceret, ac aër calefactus. Ut quid enim tam immensa quantitas aëris, fuisset ab auctore naturæ, in edulii cujuscunque generis, incarcerationa? Cui bono cerealia, fructus, tantâ hujusce copiâ turgescerent? Quem ad finem partes animales illius tam immani redundarent copiâ? Nisi ut facilius digerenda ope aëris, in nostram transirent substantiam.

Vid. 3. Oct.

Ergo Aër præcipuum Digestionis instrumentum.

DOMINI DOCTORES DISPUTATURI.

M. Josephus Lallemand.

M. Claudius Bourdier de la Meulière.

M. Ludovicus Maria Ponsse, Censor Regius & rei verba; viæ Professor.

M. Petrus Poissonnier, Professor & Censor Regius.

M. Guillelmus Ruellan.

M. Antonius Casamajor, Censor Regius.

M. Antonius le Camus.

M. Petrus Areclin.

M. Raymondus de la Rivière.

Proponebat Parisiis, LUDOVICUS-JOANNES-BAPTISTA COSNIER;
Parisiinus, Saluberrimæ Facultatis Medicinæ Parisiensis Baccalaureus,
A. R. S. H. 1748, à sextâ ad meridiem.

Typis QUILLAU, Universitatis & Facultatis Medicinæ Typographi, 1748.